



Sesida dals

18 da december 2018

Communitgà ils

20 da december 2018

Protocol nr.

1016

Dumonda Rettich

concernent l'utilisaziun d'agids finanzials da la confederaziun per promover la lavur cun uffants e cun giuvenils tenor l'art. 26 LPUG

Resposta da la regenza

La politica d'uffants e da giuvenils è in champ d'incumbensas cumplessiv. Ella cum-piglia la protecziun, la promoziun e la cooperaziun d'uffants e da giuvenils. Facturs impurtants per ch'il Grischun saja attractiv per famiglias èn las pussaivladads da gudogn, il spazi d'abitar disponibel, la tgira d'uffants complementara a la famiglia ed a la scola sco er meds finanzials per distgargiar ils custs da famiglia (p.ex. la reduc-zion individuala da las premias [RIP]). Questa enumeraziun n'è betg definitiva, er purschidas da la promoziun tempriva u da la lavur cun uffants e cun giuvenils èn aspects impurtants che rinforzan il Grischun.

La politica d'uffants e da giuvenils è caracterisada tras la repartiziun da las incum-bensas tranter la confederaziun, il chantun e las vischnancas. Dal rapport davart la promoziun d'uffants e da giuvenils (missiva carnet nr. 11/2013-2014) resulta che la tenuta da las personas responsablas per l'educaziun è decisiva en il sector da pre-venziun. Pervia dal princip da subsidiarità èn ultra da quai d'impurtanza centrala las dumondas, sch'i stattan a disposiziun purschidas en las vischnancas e co che quel-las èn concepidas. Areguard il tema da la promoziun d'uffants e da giuvenils surpiglia il chantun ina rolla da sustegn e da coordinaziun. Dapi l'onn 2010 exista ina curve-gna da prestaziun cun la federaziun tetgala da la promoziun da giuvenils e d'uffants dal Grischun jugend.gr. Jugend.gr ha l'incumbensa d'ademplir lavurs da cussegli-a-zion, da furmaziun e da colliaziun.

Tar la dumonda 1: Inoltrar ina dumonda per agids finanzials a favur da programs chantunals per installar e per sviluppar vinavant la politica d'uffants e da giuvenils tenor l'art. 26 da la lescha federala davart la promoziun da la lavur cun uffants e giuvenils ordaifer la scola (lescha davart la promoziun d'uffants e giuvenils, LPUG; CS 446.1) pon ins fin la fin da zercladur 2019. La regenza ha garantì gia en la sessiun da zercladur 2014 da sustegnair finanzialmain projects en il senn da l'art. 26 LPUG, sche quels vegnan svilup pads e preschentads d'organisaziuns spezialisadas. Fin ussa n'èn entrads nagins projects. La regenza è pronta d'elavurar la basa per la dumonda da sustegn per in program chantunal e d'inoltrar ina dumonda. La decisiun definitiva davart in program vegn prendida la fin da l'onn 2019.

Tar la dumonda 2: En il sector da la promoziun d'uffants e da giuvenils dispona il chantun Grischun dal rapport chantunal da famiglia (missiva carnet nr. 15/2006-2007) e dal rapport davart la promoziun d'uffants e da giuvenils en il Grischun (missiva carnet nr. 11/2013-2014). En il rom dal svilup dal project vegni decidì, sch'i dovra ulteriuras basas concepziunalas en il sector da la promoziun d'uffants e da giuvenils.



En num da la regenza

Il president:

Il chancelier:

e.sub. dr. Jon Domenic Parolini

Daniel Spadin